

程



寶晉山林集拾遺卷第三



長短句

西江月

溪面荷香粲粲林端遠  
油青青楚天秋色  
太多情雲捲煙收風定  
夜靜冰娥欲上  
夢回醉眼初醒玉鉗未耻  
有新聲一曲請  
君來聽

菩薩蠻

蒹葭風外煙籠柳數疊  
遙山眉黛秀微雨  
過江來煩襟為一開  
沙邊臨望處紫燕



雙飛語舉酒送飛雲夜涼愁夢頻

水調歌頭

砧聲送風急蟋蟀思高秋我來對景不學  
宋玉解悲愁收拾淒涼興况分付樽中醪  
醪倍覺不勝幽自有多情處明月掛南樓  
悵襟懷橫玉笛韻悠悠清時良夜借我此  
地倒金甌可愛一天風物遍倚欄干十二  
宇宙若萍浮醉困不知醒歌枕卧江流

漁家傲

金山

昔昔丹陽行樂裏紫金浮玉臨無地寶閣

化成彌勒世龍宮對時時更有天花墜  
浩渺一天秋水至鯨鯢鼓鬣連山沸負嶠  
岱輿更屢顛無根蒂莫教龍伯邦人戲

醜奴兒

踟躕山下濡湏水我更委它物阜時和迨  
暇相逢笑復歌 江湖樓上凭欄久極目  
滄波天鑑如磨偏映華簪雪一窩

滿庭芳

紹聖丙戌莫春與周仁熟試賜茶書此  
樂章中岳外史米元章書



雅燕飛觴清譚揮座使君高會群賢密雲  
雙鳳初破縷金團窻外爐煙自動開瓶試  
一品香泉輕濤起香生玉麈雪濺紫甌圓  
嬌鬟宜美盼雙擎翠袖穩步紅蓮坐中客  
翻愁酒醒歌闌點上紗籠畫燭花驄弄月  
影當軒頻相顧餘歡未盡欲去且留連

減字木欄花

連水登樓寄趙伯山

雲間皓月光照銀淮來萬折海岱樓中拂  
袖雄披楚岸風 醉餘清夜羽扇綸巾人  
入畫江遠淮長舉首宗英醒更狂

同前

平生真賞帑上龍蛇三五行貴富功名老  
境誰堪寵辱驚 寸心誰語只有當年表  
與許歸到寒陽玉簡霞衣侍帝旁

點絳脣

莘野寥寥渭濱漠漠情何限萬重堆案懶  
更重經眼 兒輩休驚頭上霜華滿功名  
晚水雲蕭散謾袖蘭亭看

阮郎歸

海岱樓與客酌別作

雙雙鴛鴦路馬戲蘋洲幾行煙柳柔一聲長笛



咽清秋碧雲生暮愁 鈞月挂綺霞收浦  
南人泛舟娟娟何處燭明眸相望徒倚樓

蝶戀花

千古漣漪清絕地 海岱樓高下瞰秦淮尾  
水浸碧天天似水 廣寒宮闕人間世 藹  
藹春和生海市 鰲載三山頃刻隨輪至寶  
月負時多異氣 夜光一顆千金貴

許衷情 獻汲公相國壽

薰風吹綻滿池蓮 曉雲樓閣鮮繡閣華堂  
嘉會齊拜玉爐煙 斟美酒奉觥觥祝芳

筵宜春耐夏多福 莊嚴富貴長年

同前

勞生奔走困麗官 攬鏡鬢毛班物外平生  
蕭散微官興闌珊 竒勝處每凭攔定忘  
還好山如畫 水遶雲縈無計成閑

鷓鴣天 獻汲公相國壽

暖日晴烘候小春 際天和氣與精神 靈臺  
靜養千年壽 丹竈全無一點塵 壽彭祖  
壽廣成 華陽仙裔是 今身夜來銀漢清如  
洗 南極星中見老人



同前

雲液無聲白似銀紅霞一抹百花新傷多  
莫厭頻頻酌一片花飛減却春蜂翅亂  
蝶眉顰花間啼鳥勸遊人人生無事須行  
樂富貴何時且健身

寶晉山林集拾遺卷第三

寶晉山林集拾遺卷第四

楚詞贊銘偈碑表記序跋帖雜說等

壯觀楚辭壯觀在真州北原上

臨南山猗陟北岵撫壯勢猗遺萬古漫漫  
蒼蒼穹無所奕奕業業縱竒度逶迤猗前  
征盤礴猗後駐奮迅猗奔駛却約猗畔顧  
環旋猗抱卷引伸猗就旅霧釋猗離掩雲  
乘猗平舉瞭瞭猗蟾輝悒悒猗蒸雨鬱鬱  
猗陽春莽莽猗玉露爚爚猗午停翳翳猗  
酉去領吾儕猗並輿步却飛仙猗不遐慕



癯其形猗久何苦便莫便猗遵坦路適莫  
適猗破心阻樂莫樂猗頻會遇莫莞藤芳  
擷芳蕓

王羲之蘭亭帖贊

熠熠客星豈晉所得養器泉石留腴翰墨  
戲著談標書存馬式鬱鬱昭陵玉盃已出  
戎温無類誰寶真物水月何殊志專乃一  
繡縵金鑄瑤機錦紱猗歟元章守之勿失

王略帖贊

昭回于天垂英光跨頡歷籀化大荒烟華

淡穠動彷彿一噫萬古稱天章鸞夸虬引  
鶴序行數字皆有此形勢洞天九九八十  
一字通寮陽茫茫十二小劫長自晉至今  
十二代璽完神訶命某藏

王右軍帖贊

混沌破龍虵出大荒子鼓神物縱變怪造  
恍惚起洪水稽天骨大道驚戮狂勃時蟄  
引無憚率神禹符鎮墟窟

王謝真蹟贊

家藏晉王謝真蹟五軸唐文皇而下名



書甚衆王謝帖皆唐梁御府璽跋宛然  
每開卷使人目動神驚也嘗作謝公贊  
云

山林妙寄岩廊英舉不絲不義自發淡古  
有赫太帝天造翰藝末下龍跡震驚天地  
有我太宗跋也

唐文皇手詔贊

龍彩鳳英天開日升亟戡多難力致太平  
雲章每發目動神驚

歐陽詢庾亮帖贊

右唐弘文館學士兼太子率更令銀青  
光祿大夫渤海縣開國男歐陽詢字信  
長書度尚帖元豐己未官長沙獲于南  
昌魏泰庾亮帖壬戌歲過山陽獲于今  
中散大夫鍾離景伯各著半古印適合  
縫文曰清河圖籍之印乃昔一書也究  
延平之化豈不有神叅孔壁之遺孰云  
致誤元祐庚午冬至蕭閑外舍裝贊曰  
渤海貌怪學亦險絕真到內史行自爲法  
莊若對越俊如跳擲後學莫窺遂趨厄劣



書法贊

去顏肉增褚骨發天秀助神物敢竊議贈骨突

十八羅漢贊

巍巍釋能儒十八大果士每於垢濁世見此無相身追覓自楚工磷玉妙吳匠種種出道韻二幻與佛同在處爲道場五濁化淨土

法雲佛國禪師白如來真贊

頻詹玉座再奠金田一般獠獠敬備人天

不落此相莫下名言

李邕帖贊

右唐秘書李邕字泰和書光王琚元宗皇帝之子濮王嶠太宗之曾孫故紫微舍人石昌言所藏元祐丁卯過角上遇紫微孫夷庚字坦夫以張萱六畫徐熙二古帖一易得尚有厲少府求地黃帖白麻紙在石氏坦夫幼安長子書畫號苑翰林蘇子瞻爲之序此帖飄縱後帖嚴謹予欲此帖坦夫惜不與幼安程夫



人於戶間使以歸子焉六月甲申南都  
舟中裝贊曰

蓬監皇皇才高氣方張說姪善杜甫揚先  
子敬儲逸僧虔與詳潤分玉瑩秀溢春芳

晦堂心如來真贊

此是晦堂更無佛祖百尺竿頭誰敢進步  
無限衆山爲老誤誤不誤陝府鐵牛跳出  
土兩脚槌曾叫冤苦

坐右銘

進退有命去就有義仕官有守遠耻有禮

翔而後集色斯舉矣

臨化偈

衆香國中來衆香國中去人欲識去來去  
來事如許天下老和尚錯入輪回法

焦山普濟院碑

崇寧上章協治至日文

真宗大中祥符甲寅封潤州焦山大聖焦  
公明應公名光字孝然漢高陽侯蔡邕贊  
曰猗歟焦君嘗此玄默衡門之下棲遲偃  
息泌之洋洋樂以忘食鶴鳴九臯音亮帝  
側乃徵乃用將受衮職昊天不弔賢人遘



慝不遺一老屏此四國如何穹蒼不詔斯  
感惜哉朝廷喪斯舊德恨此學士將何法  
則漢維旣絕焦公同德作者孔聖後生不  
與易也去一千三百年英靈炳然感通著  
於祥符聖製業履詳於魏史芾嘗銘曰水  
清石白焦公之宅妙道誰測能語而默俟  
河之清乃通帝夢殖殖瑤壇萬靈是擁眄  
馨遠濁以祚道宋公德不暈客必尊素擁  
徒繁御必以風雨明真感神神應可呼勒  
銘津塗以肅薄夫惟公爲神主 雖久護

佛正法肇自梁室崇寧膺歷元聖當天忠  
賢充朝道化周行四海同文五緯不愆百  
嘉生柔惟深禪師開大法席披蓁易朽作  
新是宇金地寶構千五百架東南信士報  
上及親指金供寶不可勝數天人咸嘉大  
緣用立恍然化人之居金鰲負背出於海  
上來者如入淨土兜率威攝精進脫棄塵  
葆師於高廣坐作獅子吼度得度者如佛  
在時某自基沆成目覩其事贊曰  
古佛留法度大心種種威攝現勝相大心



衆生攝威德求度傾身及衆寶冥陽咸會  
精誠通正法是歸大緣集我今稽首佛陀  
僧永奠海山作津棧我今稽首明應公永  
護寶居炳威德悉化大心依淨住一世咸  
如今佛日三光不愆四序調主聖臣忠載  
萬億五穀蕃生生地肥萬靈常躋仁壽域

顏魯公碑

魯公爲盧杞所忌李希烈反杞首議遣公  
諫者甚衆德宗問杞杞對曰真卿朝廷重  
臣忠義聞天下誰不懼服臣常父事之今

遣使不爲賊憚則辱國紛紛之言豈足聽  
陛下當自斷之無惑衆意真宗不能奪遂  
遣之人知公不還矣親族餞于長樂坡公  
旣飲乃躍上梁跳躑謂餞者曰吾昔江南  
遇道士陶八八得刀圭碧霞餌之自此不  
衰嘗云七十後有大厄當會我于羅浮山  
此行幾是歟次汜水悅遇陶笑謂曰吉吉  
指嵩少而去後公死于賊賊平家人啓瘞  
狀有金色爪髮皆長如生人歸葬偃師北  
山先塋後有賈人至羅浮山遇二道士奕



即而觀之問曰子何所來賈人曰洛陽其一笑謂曰幸託書達吾家許諾即札書付之其題曰至洛陽偃師縣北小顏家及往訪之則塋也守塚蒼頭識公書大驚問狀皆公也因與至其家白之家人大哭卜日開壙發棺已空矣嗚呼杞欲害公之人而不能害公之仙也希烈杞等賊耳賊之殺人常有常刑公死且不朽又况仙耶元祐三年九月余遊吳興適觀郡人新公之祠因得謁拜公像其英氣仙骨凜然如在嘗閱

洛中紀異載公前事考史所載杞拜公于中書與對真宗之言姦人表裏無忤則公之仙復何疑焉公之大節紀載甚多而論次于林公之文為備固已激忠義之頹風沮陰邪之羞魄至仙真事吾又以刻于碑陰以貽續仙傳者襄陽漫仕米某記

戴公之碑

崇寧甲申文

南宋招士戴公顥字仲若父逵遐作高蹈不嬰晉故栖宅山林腐臭軒冕君皎皎之操履其遁業皇皇辟君莫得師臣百辟鄉



風薄夫用敦神超之後女子捨宅八百年  
間依律淨住具梁簡文皇帝撰碑凜凜神  
爽以時來舍山有北菴多樂禪寓戒或不  
嚴毒螫立至豈徒憍陳之護法蓋亦山祇  
之稟戒我人扮揄寔公故山想清涼之嘗  
枕對蕙惟其如在乃刻正石用詔來古詞  
曰  
猗猗嗟嗟皎皎戴君鍊丹超神晉故湯火  
沸濯足清泠濱我來八百後坐石不掃塵  
不掃塵公來下啖鶴吟猿朝復夜

露筋之碑

天地之間雖大陽况君子陰比小人而五  
行交相爲功各有正位其尾雜者亦交處  
陰陽之間蓋亂臣賊子之所稟婦人女  
子之所羞雖其自粉飾一時班域聖賢明  
未即察而陰譴亦不旋踵則澤國之女嗜  
膚露筋不就尙幃之子氏不顯于一時祠  
方揭于千古庸夫庸婦之所傳稱有如昨  
日是幽顯之所共信而古今不可得而議  
者然則伯夷叔齊之節不必俟聖人萬世



所自知明矣紹聖元年十月中岳外史米  
某東歸道過其下刻石贊曰

王化煥猗盛江漢叔運焞猗人倫亂一德  
彥猗昭世典情莫轉猗天質善楚澤洵猗  
雲木偃煒斯田猗日星建

樂圃先生之墓

樂圃先生吳郡朱氏名長文字伯原光祿  
公之子十九歲登乙科病足不肯從吏趨  
築室居郡樂圃坊有山林趣著書閱古樂  
堯舜道久之名稱藹然一郡嚮服郡守監

司莫不造請謀政所急士大夫過者必奔  
走樂圃以後爲耻名動京師公卿薦以自  
代者甚衆天子賢之起爲本郡教授以爲  
未廣也起爲太學先生以道授多士未幾  
擢東觀仍兼樞府屬元符元年二月丙申  
遘疾不祿享年六十子耜杭州鹽官尉耦  
耕舉進士以六月葬至德鄉從光祿之塋  
先生道廣不疵短人人亦樂趨先生勢不  
在人上而人不敢議蓋見之如麟鳳焉方  
擢欲使施設而命不假朝野惜之著書三



百卷六經有辯說樂園有集琴臺有志吳郡有續記又著琴史其序略曰方朝廷成太平之功制禮作樂以比隆商周則是書也豈虛文哉此先生志也至於詩書藝文之學莫不騷雅造古死之日家徒藏書二萬卷天子知其清特贈縑百匹嗚呼先生可謂清賢矣余昔居郡與先生游知先生者也表曰

窮達有命出處有時司出處者非命而誰時與命違士能不出出而無命孰諗於時

升公之堂理公朱絲清音不改樂園松悲嗚呼哀哉

漣水軍唐王侍御廟記

易曰地中有山謙淮海維揚之浮山頂見于城隍廟足是其象不然則大江憑陵而下無物礙也又曰山上有澤咸海岱維漣之鬱隄山在長淮底是其象漁者巨網足懸鐵引之間得石隨水如得魚至岸或百夫乃舉非其勢截然長千里鬱然為隄以捍海則吞淮而西孰可禦也大山大澤神



明之封而鬱隄之山唐侍御王公主而祠之夫百神受職于帝帝不曰義方節義所嬰挺單寡力折姦逆臣宜主是山以捍巨海不然曷以寥寥四百年英爽如一日弭災捍患父母此邦也紹聖丁丑丹陽米某竊席是邦政不中民夏旱四月晦齋戒請雨翌日雨降浹尺方懼應之速惕惕益料政僻弗契于神災且隨至父老海客載沉山百兩詣牙門曰神應公其謝雨于神余荅曰神父母汝久矣於是齋一日出郊耆

穉萬人以從蕭薌滿宇薰燎達天一人跽曰某爲堂一人跽曰某爲廡已而廟成翼翼殖殖威儀肅然正宁位神東室位賢母西室位宋小君尊卑有叙神明安穆維侍御竒節卓行著于史氏播在鄉曲其感通之迹紀於叅知政事高紳翰林學士王禹偁端明殿學士錢明逸虞部員外郎胡若此得略也方是時四民列古今之蹟請額于朝某且薰濯筆硯以俟制詔爲公表焉

淨名齋記



帶江萬里十郡百邑繚山爲城臨流爲隍  
者惟吾丹徒重樓參差巧若圖刊地靈極  
倪而雲霞出沒星辰挂腹而天光不夜高  
三景小萬有者惟吾甘露東北極海野西  
南朝數山者謂之多景然臺殿羽張寶堵  
中盤五州之後與西爲阻若夫東眺京峴  
西極棲霞平林坡陀淮海之域遠岫隱見  
滁泗之封洪流東摺白沙之雲 濤如線  
大磧南絕中漈之 巔巔蔚起笮山之隙  
峇嶺雙聳五州之外增峻千疊黃鶴寶勢

珠捧于豆長山異氣龍轟于天晨曦垂虹  
時媚于左長庚織月每華其右千林霜落  
萬嶺雪饒春羣于西郭而秋留于南岩者  
惟吾淨名天下佳山水固多矣在東南則  
杭以湖山鄣其境洪則西山彌其望潭以  
岳麓周其區皆一山也而望兩邦逮窮荒  
迢遰發周羽皇之歎者有之矣百川匯流  
而赴北旣濬旣淵亦沃亦蕩也多山引領  
而趨東且列且驅各羣各醜也吾齋在萬  
井之中半天之上乃右卷而一揖焉此其



所以得山川之多而甲天下之勝也至若  
水天鑑湛而博望弭檣葦根鳴而詹何  
投餌洪鍾動而飛仙下疾颺舉而連山湧  
地祇聽法水怪効珍或鵬雲壓山海氣吞  
野纖雲漏月清籟韻松兜羅密而靈光生  
陰霧合而大霆走瑰竒忽恍又不可得而  
詳言之襄陽米某字元章將卜老丹徒而  
仲宣長老以道相契會內閣蔣公穎叔以  
詩見寄玄京塵汨沒興如何歸棹翩翩返  
薜蘿盡室生涯寄京口滿床圖籍鎖岩阿

六朝人物東流盡千古江山北固多爲借  
文殊方丈地中間容取病維摩於是宣公  
以其末句命名余居亦翼公之與余同此  
樂也余今來也歲時在其間去也自筆藏  
爲圖念老矣無佳句壓其勝後之登吾齋  
攬吾勝者得不爲吾賦乎太常博士米某

仰高堂記

無爲軍宇北有射堵北極帝君射家所忌  
多折弓損指不南者太一所照又東西理  
也大澤氣薰害弓矢積雨敗堵主者請繕



余初撤不急不知我者岌者峻者迤者之  
在後也目成也交契于天真仰止高山景  
行前修合于小雅後之君子豈以穀者的  
者錚者鏗者以易前四者乎崇寧乙酉老  
守楚米某記子尹仁篆題

九雋老會序草

中散大夫河間公清德傑氣惟時老成高  
誼勁節縉紳所仰靖鎮吳俗四周星紀威  
孚惠洽公庭晨虛乃闢郡齋會九雋老惟  
內閣清河公神峯峻拔德章昭融名威羗

夷勲書冊府正議大夫廣平公秀質孤映  
清標邁遠鬱建功利煥于汗青太中大夫  
臨濮公冲韵爽澈淑質端靖厚積施衍父  
子顯榮朝議大夫填封爵侯 朝散大夫  
鄭君並道韵虛曠內德淳耀或中臺碩望  
出處有裕終始一德或四方膚使承議郎  
崇君奉議郎黃君操行束脩鄉閭標準早  
解簪紱仕路式瞻咸頌頌德天錫難老  
兒若遼鶴言爲元龜於是羽觴屢酬雅章  
遞作叙懷感遇樂我休明顧眄之間穆如



清微薰如太和夫學本美身仕欲行志名節既立榮利後之若諸公積紆淵深未極經緯而不苟于得進退從容千祀可垂後生仰心以某倦游四海多與賓寮刻繪既傳屬爲序引嗚呼樂道人善君子有之願某何堪忝於承命謹序

正六譯波羅密經序

佛性火火鍊礦而成金其剛無物踰其精不復礦精如是故况定剛如是故况慧能慧而定故來者破破者妄也萬法是也不

破者真也一法是也真妄不立者金剛是也故我大能仁憫浩劫之奔沉悼萬法之迷執昧自度之頓悟逐小果之滯念故以無說爲說法非身爲大身無所證爲得菩提非具足見如來相慧劍犀利天魔屏蹤抹斷滅於言餘存真如於不動諸相離則凡夫超聖纖疑動則苦海長沉受記已來天人加護願六譯之障妙憎百義之晦微一掃諸塵洞見全體欲示同志刻而傳之

書楞嚴經序



妙湛揔持不動尊首楞嚴王世希有銷我  
億劫顛倒想不歷僧祇獲法身願今得果  
成寶王還度如是怕沙衆將此深心奉塵  
刹是則名爲報佛恩伏請世尊爲宣揚五  
濁惡土誓深入將此深心奉塵刹如一衆  
生未成佛終不於此取泥洹大雄大力大  
慈悲希更審除微細惑令我早登無上覺  
於十方界坐道場舜若多性可消亡爍迦  
羅心無動轉

跋謝安石帖



德